

ԳԻՊԼՈՄԱԻՈՐ ԳՈՐԾԻՉՆԵՐ

(Գրչի հանաք)

—«Բարե, Ասատուր,

—Բարե, Խաչատուր.

—«Էդ ո՞ւր ես այդպէս ոտք առած վազում.

—Նիստի եմ գընում, ինձ են սպասում.

—«Ի՞նչ նիստ, այ խելօք, այս կէս-գիշերին
Նիստի են կանչում միայն գըժերին.

Մեր նիստի օրը երէկ էր, անցաւ,

Ոչ ոք չէր եկել, նիստ չը կայացաւ:

—Ի՞նչպէս թէ երէկ... Ա՛խ, ներիր, մօ՞ն շեր...

Ի՞նչեր եմ փչում... Ի՞նչ որ էս գիշեր

կընկանքս ասի, որ տանից դուրս գամ,

Նոյնն էլ ես քեզ եմ կըրկնում, բարեկամ...

—«Դէ, ց՛ը... Ասատուր,

—Դէ, ց՛ը... Խաչատուր.

—«Ես դէպի կըլուք, իսկ դու դէպի ո՞ւր.

—Ես էլ, բարեկամ (մեր մէջը մընայ),

Ռանդէվու ունիմ... Նիստն է մահանայ...

Ա. ԾԱՏՈՒՐԵԱՆ